

# 家谱述

象瑄家世江西吉水今谷村 西平忠武王大祠即李氏一派之族也  
谷村花树下月洲派则瑄之本支也由 忠武王传二十六代我 子  
选公重十同兄 重九迁邑之西乡荆塘是为湘阴始迁祖及瑄之身  
十一代矣壬子春交赴北选思继祖父兄欲行未逮之志重茧百舍拜  
谒谷村先王大祠花树下祖祠荷子和先生叔尊暨本支尊长展阅家  
谱于 子选公行下註徙居长沙湘阴世系灿然随至村前柯树下拜  
扫 子选公母黄氏墓是夕感梦而宗堂神主偃仆有声夙兴启视为  
二百余年之木主面塵堆陷中註 申九黄孺人葬面前山柯树下有  
子选客寓湘阴一时族咸惊异以为诚孝思之所感焉稽首迎归奉祀  
自 重十公传 思庆 安权 式祖至五世 成公生子四长 必明改

道明官寿州州判迁邑城来薰门内令名御史里街是为我县房祖其  
现居公池塘者则 成公次子必新 必和 必顺之子孙皆 重十公  
之一脉也其居荆塘者则始迁伯祖 重九公之子孙也 成公葬西乡  
荆塘 廉宪公任旋置有墓边祭田今 新 和 顺三公子孙轮年耕  
作以供祭祀岁王寅馆循祖法立两房户首聘县振铎老人讲奉分  
布六条铎书于墓前集合族长幼尊卑咸使听闻 廉宪公功业著世  
题祀大梁名宦荆楚乡贤例有奉祀生员国典久废康熙甲子具呈学  
宪姚公批行本府任公详请给馆冢孙添材衣顶行县移学春秋奉祀  
感沐二公恩德旧制頼复遯我县房自 道明三洲公 鹏诰赠御史公  
廷龙廉宪公 勋文林郎公 盛春亦佐令公 象珠广文公至象馆仕  
宦科名凡六代矣伯祖 照副榜公为廉宪公之长子 启长史公乙卯  
魁则总宪之胞姪伯恇怯不前 象玉人于监临仕而终季弟象瑛饴

于庠将贡而卒举皆彬彬振振争光闕阅者也然而先世貽謀清白傳家忠厚正直耕讀以外無事他業迄今恪遵 祖訓詩禮未艾書香繩武者先人世德之所致也敬為之述俾後之人知所自云凡我子孫當世世以先人之心為心培植本根毋淪浮薄勉勵學業毋墜家聲重一本之誼切水木之思完賦盡忠敦倫盡孝隆友愛扶綱紀為厚望焉

謹案 匪石公 伯會祖廷佐大理評事 叔會祖廷貞國

子監丞 胞伯魁春太常博士疑傳刻之漏附識于此

西平三十六世孫吏部考授文林郎象瑄匪石父謹述